

<p>4. ※天親 菩薩造、菩提流支譯 T26. No. 152 2《十地經論》</p>	<p style="text-align: center;">【十地經論、初歡喜地卷第一之二】</p> <p>乙三、安住(分三)【丙一、信心成就】：</p> <p>[0137a12] 經曰。諸佛子。是菩薩以大悲為首。深大心堅固轉復勤修一切善根成就故。</p> <p>[0137a14] □論曰。深大心堅固者。煩惱小乘。不能壞此觀故。轉復勤修、一切善根成就者。諸所說善根。此地攝受故。云何勤修？於中、有三種成就。一、信心成就。二、修行成就。三、迴向成就。有三十句示現。初十句。說信心成就。</p> <p>[0137a19] 經曰。所謂信心增上故。多恭敬故。信清淨故。多以信分別故。起悲愍心故。成就大慈故。心無疲懈故。以慚愧莊嚴故。成就忍辱安樂故。敬順諸佛教法。信重尊貴故。</p> <p>[0137a23] □論曰。信心增上者。隨所有事。於中信增上成就。此信增上有九種。</p> <p>一者、敬信增上。尊敬三寶。如經：多恭敬故。</p> <p>二者、淨信增上。自證真淨智。如經：信清淨故。</p> <p>三者、分別信增上。令他證淨智。如經：多以信分別故。</p> <p>四者、悲信增上。五者、慈信增上。教化眾生。如經：起悲愍心故。成就大慈故。悲者。除苦相。決定救濟故。慈者。與樂相。永與無量樂故。起者。轉復現前故。</p> <p>六者、不疲倦信增上。教化無量眾生。久處世間。能利益故。如經：心無疲懈故。</p> <p>七者、慚愧信增上。不著世間故。於慳等、波羅蜜障法。深慚愧故。如經：以慚愧莊嚴故。</p> <p>八者、安樂信增上。於同法者。不惱亂故。如經：成就忍辱安樂故。</p> <p>九者、敬法信增上。增益敬信。殊勝心故。如經：敬順諸佛教法。信重尊貴故。</p> <p>後三句。示修何等行。波羅蜜行故。誰為等侶？同事安樂故。入何法中？謂諸佛教法故。如是信心成就。云何修行成就？</p>
--	--

【丙二、修行成就】：[0137b12] 經曰。日夜修集善根。無厭足故。親近善知識故。常愛樂法故。求多聞無厭故。如所聞法正觀故。心不貪著故。不著利養。名聞恭敬故。不求一切資生之物故。常生如寶心。無厭足故。

[0137b17] □論曰。此十句、說修行成就。云何修行成就？集諸善根。無休息故。如經：日夜修集善根。無厭足故。此集有八種。

一者、親近集。不忘諸法。如經：親近善知識故。

二者、樂法集。於問答中。論義解釋。心喜心樂故。如經：常愛樂法故。

三者、多聞集。如經：求多聞無厭故。

四者、正觀集。如經：如所聞法正觀故。

五者、不著集。如經：心不貪著故。向說多聞集等、三句。是聞、思、修慧。如是次第。不著者。於三昧中。無愛著故。

六者、不貪集。七者、不求集。於已得利養、不貪。未得利養、不求。障菩薩戒。退菩薩戒。如經：不著利養。名聞恭敬故。不求一切資生之物故。

八者、如寶心集。出世間心。念念現前。如經：常生如寶心。無厭足故。如是修行成就。云何迴向成就？

【丙三、迴向成就】：[0137c03] 經曰。求一切智地故。求諸佛力無畏、不共法故。求諸波羅蜜、無著法故。離諸諂曲故。如說能行故。常護實語故。不污諸佛家故。不捨菩薩戒故。不動如大山王。生薩婆若心故。不捨一切世間事。成就出世間道故。集助菩提分法。無厭足故。常求上上勝道故。諸佛子菩薩摩訶薩。成就如是淨治地法。名為安住菩薩歡喜地。

[0137c11] □論曰。求一切智地等。說何等事？示現迴向成就故。求一切智地、是總。求如來力等。於一切智地、是別。

一者、觀求一切智地。二者、無障求一切智地。

三者、離求一切智地故。四者、如說能行求一切智地。

五者、護求一切智地。六者、不污求一切智地。

七者、不捨求一切智地。八者、不動求一切智地。

九者、不捨成就求一切智地。十者、集求一切智地。

十一者、常求求一切智地。於中求何等事。求一切智地故。

□以何觀求？**觀諸佛力無畏、不共法故**。云何求？**求諸波羅蜜、無著法故**。

此三求者。是家依家。無障求故。云何求？求諸波羅蜜、無著法故。此無障求。差別異求。

□於中、檀波羅蜜有二種垢。一者、諂曲。見乞求者。詐設方便。無心許與。二者、不隨先言。許而不與。對治是垢。**如經：離諸諂曲故。如說能行故。**

尸波羅蜜有一種垢。不護實語。違本所受。犯已覆藏。對治是垢。**如經：常護實語故。**

羸提波羅蜜。有一種垢。污如來家。云何菩薩污如來家？惱亂他業故。利益他業。即是如來家。是故菩薩生此家者。惱亂他業。非善事故。對治是垢。**如經：不污諸佛家故。**

毘梨耶波羅蜜。有一種垢。菩薩戒無量劫數長遠。難持、難行。生退轉心。對治是垢。**如經：不捨菩薩戒故。**

禪波羅蜜。有二種垢。一者、亂心。二、不能調伏憶想、分別。對治是垢。**如經：不動如大山王。生薩婆若心故。**

般若波羅蜜。有三種垢。一、無善巧方便。世間涅槃。一向不現現故。二、不修集出、出世間道故。三、於勝上證法中。願欲心薄故。

如是次第。對治是垢。**如經：不捨一切世間事。成就出世間道故。集助菩提分法。無厭足故。常求上上勝道故。**如是迴向成就。是名：勤行具足成就。

是勤行有四種。一、信。二、欲。三、精進。四、方便。

初十句。示現信增上成就。是信增上。即攝受欲。第二十句。日夜修集善根、無厭。示現精進。第三十句。求一切智地。示現方便故。是名此地說中安住。

何以故？如經：諸佛子菩薩摩訶薩。成就如是淨治地法。名為安住菩薩歡喜地故。如是說分訖。【十地經論歡喜地卷之二】

<p>5. ※實叉難陀奉詔 T10. No. 279 八十卷《華嚴經》「十地品」(六卷)</p>	<p>乙三、安住(分三)【丙一、信心成就】：</p> <p>[0181b23] 佛子。此菩薩。以大悲爲首。廣大志樂。無能沮壞。轉更勤修一切善根。而得成就。所謂信增上故。多淨信故。解清淨故。信決定故。發生悲愍故。成就大慈故。心無疲懈故。慚愧莊嚴故。成就柔和故。敬順尊重諸佛教法故。</p> <p>【丙二、修行成就】：日夜修集善根無厭足故。親近善知識故。常愛樂法故。求多聞無厭足故。如所聞法。正觀察故。心無依著故。不耽著利養名聞恭敬故。不求一切。資生之物故。生如寶心。無厭足故。</p> <p>【丙三、迴向成就】：求一切智地故。求如來力無畏不共佛法故。求諸波羅蜜助道法故。離諸諂誑故。如說能行故。常護實語故。不污如來家故。不捨菩薩戒故。生一切智心如山王。不動故。不捨一切世間事。成就出世間道故。集助菩提分法。無厭足故。常求上上。殊勝道故。佛子。菩薩。成就如是淨治地法。名爲安住菩薩歡喜地。</p>
<p>6. 尸羅達摩譯 T10. No. 287《佛說十地經》(九卷)</p>	<p>乙三、安住(分三)【丙一、信心成就】：</p> <p>[0538a27] 以大悲愍而爲先導以無憎背無俗意樂。爲欲修證一切善根勤修加行。以信增上。以多證淨。以潔勝解。以多信解。以引發悲愍。以具足大慈。以無厭倦心。以慚愧莊嚴。以常忍辱柔和相應。以深敬順信重尊貴如來聖教。</p> <p>【丙二、修行成就】：以無厭足日夜積集一切善根。以奉事善友。以樂於法苑。以無厭足訪求多聞。以所聞法如理觀察。以無依著心。以不耽嗜名利恭敬。以不希戀資生之具。以無厭足引平等心猶若寶珠。</p> <p>【丙三、迴向成就】：以專希求一切智地。以緣如來力無所畏不共佛法。以求無著波羅蜜多。以離諂誑。以如說行。以常護實語。以不污佛家而勸於他。以不捨離諸菩薩學。以不傾動薩波若心。如大山王。以不離諸世間事而能成就出世間道。以無厭修覺分資糧。以常希求後後勝法。唯諸佛子。以如是等諸淨地法相應。菩薩名：住安住極喜地中。</p>

◎【補充資料】：〈轉惡緣為道發願文〉

大堪布 貢噶旺秋 仁波切 口述

張惠娟居士 翻譯

【大堪布貢噶旺秋仁波切、在獄中二十一年每天唸誦的發願文】

http://www.chokyilodro.org/teacher/khenpo_kunga_wangchuk_rinpoche/pray.htm

○皈依上師三寶

◎以慈心、悲心、菩提心，對迷惑不知自己本來面目，而生輪迴幻相的如母眾生，發此善願。

◎(1)願我的身體、受用、語言、心意，和三世所造善根，都成為無量眾生，從輪迴中解脫，證圓滿菩提的因。

◎(2)有些人因我而生信心，有些人因我而生貪心，更有些人因我而生瞋心；不管他們生的什麼心，跟我結什麼緣，只要跟我結上緣的眾生；願他們都因此而成佛，使此緣富有意義。

◎(3)雖然我並沒造惡，但他人卻生瞋心，視我為殺父仇人的屠夫，直接或間接的攻擊我。願有天我能以法，讓他滿足。

◎(4)以餵養豬狗般地、供給我衣食臥具，怒目打罵、凌辱毀謗、揭發我過失等；願這些令人心生畏懼的一切行為，都成為成佛的因。

◎(5)因往昔我造業，傷害他人，今日我受業果，遭他傷害；願此成為善因，將來無害于他。

◎(6)身體是輪迴中一切傷害的因，深知自取的身體，讓自己受苦之後；願所受的苦，成為菩提道的助伴。

◎(7)因我的善，及清淨的增上意樂力；願以父母兄弟姐妹為首，之慈愛親人，和一切有緣者，都往生西方極樂世界。

◎(8)願無吝惜施我衣食、藥物、金銀等財物之男女檀越，圓滿布施，令佛歡喜。

◎(9)願供給坐臥寢具、生計資具；疾病時，給予慈愛照顧，且對我恭敬之服侍者，持戒圓滿，得相好之身。

◎(10)眾生多生為我父母，我卻無慈愛心、無珍惜的役使騎乘、馱運，吃喝其血肉及奶；願他們圓滿忍辱，儘速成佛。

◎(11)總之，願所有與我有緣之眾生，永不墮惡道；生生世世，值佛出世，聞佛說法、發菩提心成佛。

◎(12)願我日後，一旦如文殊、普賢、觀音等菩薩時，如所發願般，成為等虛空眾生的怙主。

◎(13)因上師三寶的慈悲，以及業果無欺的真實力，願我熱忱所發之願都達成。

